



Ukiuni 35-ini atorfeqarsimanermut naatsorsuineq

Siusissumik utoqqalinersiaqalissaguit ukiuni ikinnerpaamik 35-ini suliffeqarsimassaatiit. Piffissaq suliffigisimasaq sulileqqaarninniit qinnuteqarnivit tungaanut naatsorsorneqassaaq. Naatsorsuineri sulinggifeqarsimanerit, ernineri sulinggifeqarnermik, ilinniaqqinnermik ingerlaqqittumillu ilinniagaqarnermik, tunisassiassaaleqineq sikuneralu pissutigalugit piffissap ilaani suliffissaqannginnermik allanilluunniit pissuteqartumik suliffissaaleqineri mik pissuteqartut ilanngunneqassapput. Suliffissaaleqisimaguit piffissat suliffissarsiortutut isigineqarsinnaanngippata naatsorsuineri ilanngunneqassanngillat.

Siusissumik utoqqalinersiaqalernissamut naliliinissami atortut atugassat

Siusissumik utoqqalinersiaqalernissamik qinnuteqaatip suliarinerani nakorsamit paasisutissat nalunaarutillu pisariaqartut ilanngunneqarsinnaapput. Nakorsamit nalunaarutip piniarneqarnissaa piumasaqaataanngilaq, kisianni suliamut pisariaqartinneqartutut isigineqarpat kommunalbestyrelsi noqqaassuteqarsinnaavoq.



Siusissumik utoqqalinersiaqalerniarlutit qinnuteqaruit suliamut paasisutissanik tunniusseqataanissamut pisussaaffeqarputit, aamma piumasaqaatit naammassineqarsimanerannik naliliinissamut paasisutissanik naleqquttunik aallernissamut kommunalbestyrelsi pisinnaatinneqarnissaanut pisarialimmik nalunaaruteqarnissamut. Imaappoq, piffissaq suliffigisimasat suliallu suunera siviussusaalu pillugit ataatsimoortumik naliliinissamut uppernarsaatinik pisariaqartunik pissarsinissannut kommunalbestyrelsi peqqusinnaavaatit. Sulisinnaassutsinnut siusinnerusukkullu suliffigisimasavit sulisinnaassutsivillu apparimaneranut pissutaasut ataqatigiinnerannut uppernarsaatinik piniarnissannut kommunalbestyrelsi aamma peqqusinnaavaatit.

ISUMAGINNINERMUT, ILAQUTARIINNUT INATSISINILLU
ATUUTSITSINERMUT NAALAKKERSUISOQARFIK

NAALAKKERSUISUT
GOVERNMENT OF GREENLAND



NUNGULLARSIMASUNUT SIUSISSUMIK UTOQQALINERSIAT





Aallaqqaasiut

Utoqqalinersiaqalernissamut ukioritinneqartoq ulloq 1. januaari 2021 67-inut qaffatsinneqassaaq. Nungullarsimagaannili siusissumik utoqqalinersiaqalernissaq (65-inik ukiulinnut) periarfissaaginnassaaq.

Siusissumik utoqqalinersiaqalernissamut nammineerlutit qinnuteqassaait, ajornanngippat 65-iliinissannut qaammatit pingasut sioqqullugit. Qinnuteqaait kommunalbestyrelsimit suliarineqassaaq siusissumillu utoqqalinersiaqalernissamut naleqquttumik pissutissaqarnerisooq aalajangiiffigissallugu. Qinnuteqaammut uppernarsaatit naleqquttut sapinngisamik annertunerpaat ilanngutissavatit.

Qinnuteqaativit suliarineranut atortut naliliinissamut atugassat kommunalbestyrelsimit piniarneqarsinnaapput.

Kikkut siusissumik utoqqalinersiaqalersinnaappat?

- 65-inik ukioqalereersimassaait 67-inillu ukioqalersimassanak
- Nungullarsimassaait ikinnerpaamillu ukiuni 35-ini atorfeqarsimassallutit
- Ukiuni 35-ini atorfeqarnerit timikkut tarnikkulluunniit artornartumik suliaqarnermut attuumassuteqassaaq
- Suli suliffeqassaait

Qaqugukkut nungullarsimasarpat?

Nungullarnerup suuneranik katsorsaanermit nassuiaateqanngilaq. Utoqqalinersiaqarnek pillugu Inatsisartut inatsisaannut ilitersuummi nungullarsimasooq paasineqartarpoq tassaasooq "Sivisuumik avataaniit sunnerneqarsimanermit ataatsimik arlalinnilluunniit pissuteqartumik aalajangersimasumik ataatsimik arlalinnilluunniit ajoquteqalernerit."

Timip ulluinnarni atornerani artukkiinernut qisuariaait tassaapput timip nungullarnera. Nukiit, pukusuk seeqqulluunniit annernarsinnaapput, aallussisnaanginneq, niaqorlunneq il.il. atugaasnaallutik. Timi sivisoorujussuarmik artukkerneqarsinnaavoq killeqarporli. Unigani allanngoranngitsumillu artornartunik suliaqaraanni tamanna timimut ajoqusilluniluunniit sanngiillitsisnaavoq.

Timip atorneqarsinnaanera nungullartarpoq assersuutigalugu timip atorneqarsinnaanerani annikillitsisumik assigiiartumik sulinnikkut, oqimaatsumik sulinermit timip atorneratigut sulerulunnikkulluunniit.

Tarnikkut nungullarsimanertut paasineqarput tarnikkut oqimaatsut sulinerit pissutigalugit tarnikkut peqqissutsikkut nungullarneq, sulinermit suliassaq, taaku annertussusaat avatangiisilluunniit oqimaatsuusimallutik aamma tarnikkut pisinnaasat nungullarnerinik kinguneqarsimallutik.

Siusissumik utoqqalinersiaqalissaguit akissarsiaqartinneqarlutit sulinivit aamma /imaluunniit namminersorlutit inuusutissarsiuqarnivit nassatarisaanik timikkut tarnikkulluunniit nungullarsimanissat sulisinnaanivillu ataavartumik annertuumillu apparsimanissaa piumasaqaataavoq.

Suli suliffeqarnissat aamma piumasaqaataavoq. Nungullarneq utoqqalinersiaqalernissallu siuartinneqarnera suliffimmik paarsisnaajunnaarnermut paarlaanneqassanngilaq, tamanna siusinaartumik soraarnerussutisiaqarnermut tunngassuteqarmat.